

Tìmòtewù

tò Pòlò andí ɔyo rí kisè nǐ bhàruwà

Yàrí bhàruwà ò ì nòtù ádròdrǒ dhu tí dhu

Yàrí ní ɔyo rí kisè nǐ Pòlò andí Tìmòtewù tò bhàruwà. Kǎndí ka imbi ò ndì ndí Rómà tó kigò ò rórò (1.16-17), íkyèrǒ kàbhà ɔve-dhò ùbhà ndì rórò. Kǎni dhu ní inzà òtrò idho ɔ p̀bìrì ɔ ádròdrǒ ale rǎrǎ ndàbhǔ àbhǔ kohò ndì Krístò ndì ndá'ù dhu-okú dò rò (4.6-7). Obhó tí, kóró kà t'òdhína náatsè, 'ùbhà ka atdíró. P̀bétù Lukà, ádrùngbà m̀ngangà kèlè atdíró ní ndì inzà ka nùbhà. Ní Pòlò ala dhu yà adzi ɔ ndì ndònzina idho ríku wà, ní ndì nùbhà dhu rǎrǎ ndì ndòvè dhu kèlè. Ndi dhu-okú dò rò ní ndì kǎzè ndàndí bhàruwà tdítdǒ Tìmòtewù tò kà-afí ndì ndopé tí nǐ, idhùna nyú tí kǎzè ka nídhunǐ. Yàrí bhàruwà-dzidǒ, Pòlò adù nzá ngǎtsi dhu àndi tdítdǒ.

Ndi bhàruwà ɔ, Pòlò azè atdítdǒ dhu ní Tìmòtewù rǎkǎ ndirà tina ò, kà rǎkǎ ndidè pòtsó p̀bìndà a'uta ɔ, yà ndì nyú ndì ndidè dhu bhèyi. Kǎvò dhu átò kà rǎkǎ ndàmbe àrà dǒ angyi tí Yèsù bhà Ídzì M̀kùrù t'únɔta nà, ìmbà kavu róná. Ndirò kǎtì kà rǎkǎ ndàndà nga mbèyi yà ìnzǐ rí ndàkǒ Ídzì M̀kùrù nà dhu nà. Pòlò isé átò dhu ní ndàtì ndì rúgyè ila, ndirò ì rǎrǎ 'òtù Ádrùngbàle Yèsù nà inzà òtrò idho ɔ. Ní, Yèsù ná'ù ale rǎkǎ ndònzì dhu ndì bhèyi.

Bhàruwà-nyitì ka kóhù tí dhu

- Bhàruwà-dòkpa (1.1-2).
- Pòlò rǐ Tìmòtewù àvǐ ìnzǐ nyina rìwù Ídzì M̀kùrù t'únɔta-okú dò rò dhu (1.3-18).
- Pòlò rǐ Tìmòtewù àvǐ rǎdì Yèsù Krístò bhà m̀nɔwì kèlè tí dhu (2.1-13).
- Pòlò rǐ Tìmòtewù àvǐ rǐrǐ Kàgàwà bhà obhóná ɔte ùnɔ rí otùna ɔ ìndrù tò ale tí dhu (2.14-26).
- Pòlò rǐ Tìmòtewù àvǐ ròdò ndì mbèyi yà adzi ɔ dhu-tsù rǐ ndìndù ndíndí ndòdí tí ndì òná idho ɔ atdídhéná ale íiya nà nzére m̀tsò rǒ rò dhu (3.1-9).
- Pòlò rǐ Tìmòtewù àvǐ r̀ngungu p̀bìndà ɔfɔ-owù dhu ndirò rǎp̀bà afina f̀ndà ndì ndúdhe ìlǐlǎ Andítá m̀nà rǒ dhu (3.10-4.8).
- Pòlò rǐ àkǎkǎ Tìmòtewù r̀nzì dhu ríku dóná rò dhu ɔvo kà tò dhu (4.9-18).
- Pòlò rǐ ìndrù òvǐ bhàruwà ríku dóná rò ovita nǐ dhu (4.19-22).

Pòlò rǐ Tìmòtewù nóvì dhu

1 ¹Ima Pòlò, ima ní Yèsù Krístò bhà uvitatále, Kàgàwà óvò ima ndì kasu tò nídhunǐ. Kìvì ima ndíndí ma m̀ɔvo tí Yèsù Krístò ka kà'ù rò ka kábàna íp̀irònga tó làkǎ ìndrù tò.

²TimŏtewË, ma mí yàrí bhàrwà àndí indù. Inyi ní idhùdu a'uta-otù ǒ, atdíǒ ma mózè ale. Àlè t'Ábanà Kàgàwà mà, àlè tó Ádrùngbàle Yèsù Krístò màná náká ìtè fíyó ídzinga indù, 'àbà izu dùnú, 'àdù nyabhu nyadi màràngà ǒ.

Pɔlò rí Timŏtewà-afí àbhù ròtsi obi Kàgàwà bhà kasu tò dhu

(Kas 16.1-3; Èfe 1.3-7; 2Tè 2.13-15; 2Tì 2.1-12)

³Ma màbhù òtsò Kàgàwà tò okúnú dò rò. Ma marí kà-kàsù ònzi ìlílà afídu nà, abhúdu náanzì ka dhu bhèyi. Bilinganà, adyíbhengá màtí ndirò kúbhingá màtí ma mí mitsò rò, ma marí nzì àdi inzà ma màtì ɔvònu rórò. ⁴Àlè kí àlè ùbhà rò nyi nyadzì tí dhu ma mîrè rò, atdyúdu ríí atdíǒ, àlè rala àlè-ngbò tdítǒ, ndíní idhèdu ika tí ndì atdíǒ. ⁵Ma mîrè kóró afínu nyú nà nyi nyá'ù Ádrùngbàle Kàgàwà tí dhu. Ndi a'uta ní yà angyinà rò íyànù-tsànà Lòyisi mà, íyànù Èwùníkè màná níí nà a'uta-tidò. Ní, ma mà'ù dhu nyi nyú mà, nyi ràríí inè ndi a'uta nà átò.

Ídzi Màkürù-okú dò rò ka kí àpbè àbà dhu

⁶Wò dhu-okú dò rò ní ndi, ma mònzì nyi nyigbè nyùnùtsì aríí Kàgàwà bhà perè-ngbò. Ndi perè nyi nyabà yà ɔtsúdu ma mûli dùnú nínganí. Nyi nyàkà nyigbè kà-ngbò dhu ní, ⁷Kàgàwà íbhò àlè tò Ìlílà-Alafí ní nzì indrù àbhù rí rònzì ɔɔ Alafí. Pbéù kíbhò ní ádrùngbànga tó obi tó, àzè tó, ndirò inga nòfò dhu bhèyi àlè kóko ní Alafí.

⁸Nírò, nyi nyàkà nzà nyínu rìwù àlè tó Ádrùngbàle Yèsù dǒ nyi nyí dhu àwè indrù tò rò, ndirò nyínu àkà nzà ndìwù okúdu dò rò, yà kókú dò rò ka kòsò ma rò. Pbéù, nyi nyàkà nyabà àpbè Yèsù Krístò bhà Ídzi Màkürù-okú dò rò, àdhàdhì ma mí kàbà dhu bhèyi. Nyi nyí i àpbè-dzi òndù Kàgàwà ràbhùna indù ádrùngbànga tó obi ní. ⁹Ka ní ndi àlè nígù, ndàdù àlè ùnzì ndíní àlè koko tí pòndà ìlílà ale tí. Kònzì ndi dhu, ìnzì ní ídzi dhu àlè kònzì dhu-okú dò rò. Pbéù kònzì ka angyangyi ndì ndudhé ka, ndirò yà inzà ndì ndàpè yà adzi ònzi rórò ndì ndazè ndìtè pòndà ídzinga àlè tò Yèsù Krístò-otù ǒ dhu-okú dò rò. ¹⁰Ndi ídzinga Kàgàwà nítè wà àlè tò kòmbí, yà àlè tó Ìgùba Yèsù Krístò nírá àhù yà adzi ǒ rò. Kítò ɔve-ɔbì, ndàdù dhòdhòdhóngà tó ípìrònga tó otu nítè indrù tò, Ídzi Màkürù-otù ǒ.

¹¹Ní, Kàgàwà ìli ima ndi Ídzi Màkürù t'únòtatále tí, uvitatále tí, ndirò màlimò tí. ¹²Ndi dhu-okú dò rò ní ndi ma mí kàkàrí àpbè nábà. Pbéù nyèdu rí nzì ìwù ndi dhu-okú dò rò, iwà ma mènì ma mà'ù ale nídhuní. Ndirò, ma mà'ù wà dhu kà ràríí inè obi nà ndòdò yà fudú ndì ndíbhò Ídzi Màkürù tó kasu, ràrà àhù yà adzi ǒ ale-ànyà ndì ndítǒyà òná idhò ǒ.

¹³Nyi nyàkà nyalù yà indù ma múdhe obhónànga tó ɔte, ndíní íí tí ídzi ǒfò tí indù. Nyi nyàkà nyòdò ndi ɔte, yà Yèsù Krístò-nyùnùtsì àlè kǒí nà a'uta nà, ndirò àzè nà. ¹⁴Nyi nyàkà nyòdò yà indù ka kúdhe ídzi dhu, yà àlè-afí ǒ ríí Ìlílà-Alafí bhà obi ní.

¹⁵Nyi nyùni wà dhu, Àziyà tó pbìri ð Yèsù ná'ù ale rúbhà wà ma kóró. F ale nzínzi ð ale ní Fìgelò mà Hèrmògenè mànà. ¹⁶Ádrùngbàle Yèsù àkà nditè pbìndà ídzìnga Ònèsforò bhà idzá-bhà tò, kàrà ndi afídu òpè rò, ndirò kà-nyì árà nzì iwu rò imbi ò ndi ndí malá rò nídhuní. ¹⁷Pbétù, Rómà tó kigò ò ndi ndirà àhu rò, kómè ima atdyúna nyú nà, ndàdù ma nála. ¹⁸Ní, Ádrùngbàle Yèsù àkà ndàbhù àbadhi ràbà Kàgàwà bhà ídzìnga, yà adzi ð ale-ànyà itdì ndi ndí òná idho ð. Ndirò inyi Tìmòtewù, nyi nyùni Èfesò tó kigò ð kónzì idù kóró dhu mbèyi nyú.

Yèsù Krístò bhà ídzì mùnowì bhà ófò

(Màt 10.32-33; 1Kò 9.24-25)

2 ¹Nírò inyi, idhùdu Tìmòtewù, nyi nyàkà nyí òbi nà afínu ò, yà Yèsù Krístò mànà nyí nyúngbò nyí rò Kàgàwà arítèna indù ídzìnga-otù ð. ²Ndirò, nyi nyíri wà ibí ngàmbi-ònzì rò ma múdhe dhu. Ní nyi nyàkà nyudhe ka átò kóró yà nyi nyà'ù kifù rí dhu tí, 'àdù inè 'údhe ka átò ngúkpa ale tò dhu tí ale tò.

³Yèsù Krístò bhà ídzì mùnowì bhèyi, nyi nyàkà nyondù àpbè-dzi átò, yà ma mí kòndù dhu bhèyi. ⁴Mùnowì-kàsù ònzi rí ale náká nzá ndàbhù yà ìnzì rí mùnowì-kàsù ònzi ale tò dhu ràtdù afína, ndi ndòzè kàsùna rìka pbìndà ádrùngbàle-idhè rò. ⁵Ndi dhu bhèyi tí, mùlèmà tò ikpa ikpa rí ale tò ka kí nzì àdù dhu lèmà kónzì ní perè nábhu, inzà kifù ndi ikpa-tidò tò uyátá rò. ⁶Ndirò, inga òbhì ndi ndí rò àpbè nàbà ale, náká ndi ndàbà ndi inga ð 'ò'ò dhu angyi. ⁷Tìmòtewù, nyi nyàkà nyirè nga mbèyi wò indù ma mùnò dhu dò, Ádrùngbàle Kàgàwà rí nyabhù nyuni i dhu kóró nídhuní.

⁸Nyi nyàkà nyirè yà ndi ningbè ibhu ð rò Yèsù Krístò, Dàwudì-dhú bvù ale, àdhàdhì yà ma marúnona ìndrù tò Kàgàwà bhà Ídzì Màkùrù aróvona dhu bhèyi. ⁹Ndi Ídzì Màkùrù-okú dò rò ní ndi ma mí àpbè àbà, ràrà àhu ka kí mosò nzére dhu ònzi arí ale bhèyi dhu ð. Pbétù, ka kí nzì àdù Kàgàwà bhà Òte nósò. ¹⁰Wò dhu-okú dò rò ní ndi ma mí kóró dhu-dzi òndù, Kàgàwà óvò fíndà ale-okú dò rò. Ndi dhu bhèyi ní ndi abádhí átò ràdù ògù nábà Yèsù Krístò-otù ð, 'àdù kàbhà dhòdhódhóngà tò ádrùngbànga tò awáwù nábà. ¹¹Yàrí ní ndi àkàkà ka'ù òte :

Àlè kapé ìí atdíkpá àlè káve kà mànà dhu tí, ní àlè kokoya átò atdíkpá ípirònga ð kà mànà.

¹²Àlè kapé àpbè-dzi òndù atdíkpá kà mànà, ní àlè konyuya idzi átò atdíkpá kà mànà.

Àlè kapé àtina inzà àlè rúni ka, ní kádùya àtina átò, inzà ndi rúni àlè.

¹³Ìnzì àlè kapé Kàgàwà ùnò àlè tò dhu ònzi, ní àbadhi ní yà ndi ndùnò dhu ìfù arí ale. Obhó tí, àbadhi ní ìnzì ràdù vurò dhu ònzi ndi ndùnò dhu rò rò ale.

Kàgàwà-nyìkpó nǎfò dhu ònzi arí kasutále

(1Tì 1.3-7,18-20; Yàk 5.19-20)

14 Nyi nyàkǎ nyisè kǎkò indù ma mǎnò dhu ìndrù tò. Nyi nyàkǎ nyòvò dhu abádhí tò Kàgàwà-ònzì rò nyati, abádhí ràkǎ nzá 'ònzì anya òte-tì t'òngùta dǎ. Obhó tí, i agòta ò ka kábàna ídzìnga rǎi ìmbǎ. Pbétù, kǎrì i dhu níri rí ale tó a'uta àbhù rùgolo ndì. 15 Nyi nyàkǎ nyònzì òbi nyitè nyi Kàgàwà-ònzì iwà kùdhe, ndàdù à'ùnà àkǎkǎ dhu tí ale tí, ndirò ìnzì nyìna rǎwu kàbhà kasu-okú dò rò ale tí. Nyi nyàkǎ nyitè nyi átò Kàgàwà bhà obhóná òte ùnò rí otùna ò ìndrù tò ale tí. 16 Nyi nyàkǎ nyindrì nyi itse nyú ìmbǎ tǎya nà, ndirò ìnzì rí Kàgàwà-òvò ìfù agòta rǎ rò. Obhó tí, i dhu ònzi arí ale rǒngo òwu angyi tí ìnzá Kàgàwà ózè dhu t'ònzita ò. 17 Abádhí-òtè rǒngo ìndrù ìnza, àdhàdhì ìtritrè otú náarí ale-ngbò ìnzá dhu bhèyi. I ale nzínzì ò ale ní Hìmèneyò mà Filetò nà. 18 Abádhí ìndrì wà i itse obhóna rǎ rò, 'àmbe àtìna dǎ iwà Kàgàwà rúngbe àlè ibhu ò rò. Ndi dhu bhèyi ní ndi abádhí arí atdídhena ale tó a'uta ìnzá. 19 Pbétù, Kàgàwà ódì tsùkpòna idza náaride pòtsó pfòna dǎ. Ndirò, yàrì ní ndi kà-rǎ ka kándì ize tí dhu : « Ádrùngbǎle Kàgàwà ùni wà pbìndà ale tí arǎi ale. » Ndirò ngàtsi andítá ní : « Ádrùngbǎle Kàgàwà-òvò ìlè rí ale, nákǎ ndìndà ndì nzérénga rǎ rò. »

20 Ádrùngbǎ idza ò ka kí nzì àdù òrò mà, òrú odziya nà ngùkpà sumatidò màna nǎ ka kóbhòlò wìtù kèlè nótù. Pbétù, ka kádù òtùna átò ní, itsu nǎ màtì, ndirò anzi nǎ màtì ka kóbhòlò dhu. Angyinǎ rò rǎi tsí nǎ ka karí kasu ònzi ifuta nà àkǎ idho ò, ndirò olùnǎ rò rǎi tsí nǎ, ka karí kasu ònzi kóró ngùkpà idho ò.

21 Nírò, ndi ale apé ndù'ò ndìlǎ Kàgàwà-nyìkpó ò kóró kǎkò ma mǎnò dhu ò rò, ní rǎdù ndìli ifuta nà àkǎ idho ò ka karí kasu ònzi nǎ wìtù bhèyi. Ndi wìtù ní yà idza-àbadhi ópì fìndà ndìli igi, kà dzèna ònzì rǎdù, ndirò kà rǎdù ìdyìnà ndònzì kóró ídzi kasu nǎ wìtù.

22 Nyi nyàkǎ nyòkù yà zàdhà-atdyú arǎi dǒyá nzére dhu-tsù rò, nyadù obhónánga ònzi nyi nyí dhu nónè. Nyi nyàkǎ nyí'ì a'uta nà, àzè nà, nyadù àdi màrùnga ò kǎkǎ ìlǎ affya nà arí ìtsò Ádrùngbǎle Kàgàwà rǎ ale màna.

23 Nyi nyàkǎ nyòdhò ìmbǎ tǎya nà ndirò ìmbǎ ídzi dhu mà arǎi òyà agòta. Nyi nyùnì wà dhu, kà rarí anya ibho. 24 Obhó tí, Ádrùngbǎle Kàgàwà bhà ìnò rǎ nzì àdù anya ònzì. Pbétù kǎkǎ ndí'ì ìyò arádi kóró ale màna ale tí, ndirò dhu



Anzi mà, itsu mà, ndirò òrú odziya nà sumatidò nǎ ka kóbhòlò idzá wìtù-tidò (2.20)

ùdhe rádù indrù tò, ndàdù indrù tò dhu-dzi òndù ale tí. ²⁵Kà rǎdù àrà dhu òvò rǎ ìyònga ð ndì ndánona dhu àgò rí ale tò. Obhó tí, ngǎtsi nǎ Kàgàwà rǎdù abádhí àbhù rùgèrè ì 'èbhà fíyó nzérenga, ndíní abádhí uní tí obhóngà. ²⁶Ndi dhu bhèyi ní ndi abádhí rǎ 'àdù fíyó ídzi irèta ò, 'àdù ùvò yà ì átsi ònà Pfòmvo bhà àdà ò rò. Kǒtsi abádhí ndíní ongó tí ndì ndòzè dhu ònzì.

Indrù rǎbàna tdǎ Yēsù ingo rò àpbè

(Tit 1.10-16; 2Pé 2.1-22; Yud 1-3)

3 ¹Timòtewù, nyi nyàkǎ nyuni dhu, tdǎ Yēsù ingo yà adzi ð rò, indrù rǎda òyá idho^a rǎrì àpbè tò. ²Obhó tí, ndi kàsami ð, indrù rǎngò a'itále tí, ndirò fùrangà nózè ale tí. Abádhí rǎngò ì tírò arí ìfǐfǐ ale tí, ndirò ìdzǐ arí ale tí. Abádhí rǎngò átò Kàgàwà nǎ arí dhu ùno ale tí, ndirò ìnzǐ arí ì nódhì ale-tsù dhu ìri ale tí. Abádhí rǎngò ìnzǐ arí òtsò àbhù ale tí, ndirò ìnzǐ arí Kàgàwà ìfǐ ale tí. ³Abádhí rǎngò ìmbǎ arǐ àzè nà atdí ale nà màtí ale tí, ndirò ìnzǐ arí dhu ùba indrù tò ale tí. Abádhí rǎngò indrù ùdhù arí, ndirò ìmbǎ itsína arí nzére dhu ònzì ale tí. Abádhí rǎngò òròrè ale, ndirò ídzi dhu nóndrò ale tí. ⁴Abádhí rǎngò òdhíya ìpfò arí 'àbhù òmvù tò ale tí, ndirò ìnzǎ ìrè nga rórò arí dhu ònzì ale tí. Abádhí rǎngò ìdzǐ arí ale tí, ndirò yà adzi ð arí indrù-idhè ìkǎ nzére dhu-tidò nózè Kàgàwà òzè 'àmbènà rò ale tí. ⁵Abádhí rǎ 'ùlǐ Kàgàwà ózè dhu ònzì arí ale bhèyi, pbètù ìnzǐ 'àdù Kàgàwà ózè dhu tò ádrùngbǎnga tò òbi ná'ù. Ní nyi nyàkǎ nyindà nyi ì ale rǎ rò.

⁶Obhó tí, abádhí nzínzì ð atdídená ale ròwu ùtsù rǎ indrù-idzà ð, 'àdù ìvíví fíyó irèta nà vèbhále nòtsi fíyó àdà ð. Ì vèbhále ní kǎkǎ atdíð fíyó nzérenga-òbì ósè, ndirò yà adzi dǎ kóró dhu-tidò-atdyú òho arí. ⁷Abádhí òzè kudhe dhu fíyò bìlǐngànà, pbètù ìnzǐ 'àdù òwu ùvò obhóngà núní ì ì akekpá màtí dhu ð. ⁸Kǒkò indrù-dzà ð ròwu ùtsù rǎ màlímó ròwu 'àgò rǎ obhóngà nà àdhàdhì Yǎnì mà Yàmburè mànà náagò ì Músà nà dhu bhèyi. Abádhí ní iwà fíyó irèta ínza ì, ndirò iwà fíyó a'uta óngò ìvíví ale. ⁹Pbètù abádhí rǎ nzǐ òndri angyi tdítð, kóró ale rǎ abádhí rǎnzina àrǐ núní, àdhàdhì ka kuni Yǎnì mà Yàmburè^b mànà rǎnzina àrǐ dhu bhèyi nídhuní.

Pòlò rǐ Timòtewù àvì rǎpbǎ afína fǐndà ka kúdhe dhu rǎ dhu

¹⁰Pbètù ìnyi Timòtewù, nyi nyírì wà indrù tò ma múdhèna dhu, ndirò nyi nyála wà ma mǐfǐ nà mùtsò. Nyi nyúnì wà ma múdhe ndíní ma mǎnzì tí dhu, nyadù pbàkà a'uta àla. Nyi nyála wà ma mónù dhu-dzi tí dhu, ma

^a 3.1 Tdǎ Yēsù ingo yà adzi ð rò, indrù rǎda òyá idho tí Pòlò rǎtina ní yà Yēsù ìrà wemberè tí yà adzi ð dhu-dzidò rò ndì nópè idho, rǎrà àhu kà rǐngò ònà idho ð.

^b 3.9 Yǎnì mà, Yàmburè mànà ní Mísri tò pbìrì ð ìfǐ màzì tò óyò ale-òvò. Abádhí anzì títò tò wíwí Músà mà, Fàrawè mànà ònzì. Ndi Fàrawè nífǐ Mísri tò pbìrì ð ádrùngbǎ kamà (Uvt 7.11-22; 8.7-19).

mfi àzè nà tí dhu, ndirò ma mápbà affidu pbàkà kasu t'ónzita rǒ tí dhu. ¹¹Nyi nyúni wà rùdú ka kávu tí, ndirò ma mábà àpbè tí Àtiyòkiya mà, Ìkòniyò mà, Lístrà mà nà tó kigò ð dhu. Ma mábà i àpbè, pbétù Ádrùngbàle Yèsù ràdù migu òyá rò kóró. ¹²Obhó tí, yà Kàgàwà ózè dhu bhèyi i nózè 'òkò Yèsù Krístò nà i úngbò i dhu-otù ð kóró ale-rǒ ka kávu àvù. ¹³Pbétù, nzére dhu ònzi arí ale mà, ìndrù ètrà arí ale mà nà ròko 'àmbe òwu dǒ angyi tí i nzére dhu t'ónzita ð. Abádhí rí ìndrù ètrà, ìndrù ràdù 'ètra átò.

¹⁴Pbétù inyi, nyi nyàkà nyapbà nyi yà indù ka kúdhe, ndirò yà nyi nyá'ù obhó dhu tí dhu rǒ. Obhó tí, nyi nyúni wà i dhu núdhe indù ale. ¹⁵Ndirò, rǒpè ndi indú ngbángba ð rǒ, nyi nyúni wà Kàgàwà bhà ìlìlǎ Andítá. I Andítá rí nyabhù nyuni dhu-ònga t'òvòta, ndíni nyadù tí ògù Yèsù Krístò nyi nyá'ù dhu-otù ð. ¹⁶Kàgàwà unda ndi kóró pbìndà Andítá nandí ale. Ndirò, ndi Andítá tó idzìnga ní: ndúdhe obhó dhu ìndrù tò, ndàdù ìndrù bhà afátá nítè ndi ale tò. Kà rí nzére dhu òsò ìndrù tò, ndàdù Kàgàwà ózè dhu bhèyi ka kóko dhu ùdhe ìndrù tò átò. ¹⁷Ndi dhu bhèyi ní ndi, Kàgàwà rí pbìndà dhu tí rí ale ònzi, rí ðòtsí ndi nòbhòlò kóró idzi kasu t'ónzita tò ale tí.

Kàgàwà bhà Dte t'únòta dǒ uyátá

4 ¹Ma mí dhu èyà indù Kàgàwà-ònzí rò, ndirò Yèsù Krístò-ònzí rò. Ndi Yèsù Krístò ní ndi ípìrò rò rí 'òtù ale mà, èvè è ale mà nà ànyà nitdiya, yà adzi ð ndi ndíra, ndàdù pbìndà Ádrùngbànga tó idzi idì rò. ²Ma múyàna dhu ní: Nyi ràkà nyongò Kàgàwà bhà Dte ènd ìndrù tò. Nyi nyàkà nyongò kùnò bilìnganà, àkàkà kàsùmì ð, ndirò inzà àkà kàsùmì ð màtí. Ìndrù tò nyi nyí dhu ùdhè rò, nyi nyàkà nyongò ìndrù bhà afátá nítè ndi ale tò, nyadù èrè nzére dhu nònzì ale dǒ. Nyi nyàkà nyongò dhu òvò ìndrù tò rònzì idzi dhu. Ndirò, nyi nyàkà nyongò i dhu ònzì ìndrù tó dhu-dzi òndù nyi nyí rórò. ³Obhó tí, kàsùmì í'íya inè yà ìndrù rí 'ùvò ìnzì 'ìrì fíyò ka kúdhèna obhónánga tó òte ònà. Pbétù abádhí owuya i 'í atdyúna òho dhu ònzi rǒ, 'àdù bíya nǒfò dhu ùdhè rí fíyò màlímó-tsù nándu. ⁴Abádhí owuya 'ùvo rǒ ìnzì 'ìrì obhóna tó òte, 'àdù 'òzè 'ìrì títò tó imbe kèlè. ⁵Pbétù inyi, nyi nyàkà nyotò afínu kóró dhu ð, nyadù àpbè-dzi nòndù. Nyi nyàkà nyunò Yèsù Krístò bhà Ídzi Màkürù, nyadù funú Kàgàwà ábhù ngùkpà kasu ònzì mbèyi kóró.

Pòlò rí ndi ndóvè dhu nóvò dhu

⁶Ma nàndà dhu ní, ma mà'ù wà mabhù pbàkà ípìrònga Kàgàwà tó kà-nyìkpò nǒfò perè tí. Ndirò, ma móvè ònà kàsùmì níndù wà ndi. ⁷Ma mùgyè idzi ila. Ma mùtsà wà pbàkà òngu. Ma móddò pbàkà a'uta. ⁸Rǒpè ndi kòmbí, ka kili wà mùlè mà tó mùkàkú idù. Ndi mùkàkú ní obhónánga ònzi arí ale tó, yà obhónánga dǒ arí ìndrù-ànyà ìtdì Ádrùngbàle níibhoya idù, yà adzi ð ale-ànyà ìtdì ndi ndí nínganí. Ndirò, kíbhoya nzi ka idù



Mùkàkú (4.8)

tí, pbétù kùbhòya ka átò kóró ale tò. I ale ní kákà kà ríngo dhu nózè 'àla ale.


Pólò òzè Tìmòtewè rìrà tina ò dhu

⁹Tìmòtewè, ónzi óbi nyirà tsàkàtsàkà tidu ò. ¹⁰Obhó tí, Dèmə núbhà wà ima atdíró, yà kòmbí arí adzi ò dhu ndí ndózè dhu-okú dò rò. Ní, kàrà wà Tèsàlònikà tó kigò ò. Ndirò, Krèskè àrà wà Galàtiyà tó pbìrì ò, Titò ràdù àrà Dàlmàtiyà tó pbìrì ò. ¹¹Ní, Lukà ríí atdíró tí tidú. Nírò, ídyì Mǎrkò nyíwù mànà àzú, kà

rí dzùnàdu ònzi ònzi abho Kàgàwà bhà kasu ò nídhuní. ¹²Ma móvì Dòkíkò ràrà Èfesò tó kigò ò. ¹³Ní, àzú nyi nyirà rò, ídyì nyídyì yà Kárpò bhà ma múbhà Tròwà tó kigò ò rùdú orú mùdzarù nyirà nà. Ìrà nyirà pbàkà bhùkù nà átò, ròsè dòtsí ní yà ìzà-ndì ní ka kòbhòlò, kadù òkpòròná bhùkù.

¹⁴Àlìsandurù, kyèkyè-àba, nónzì nzére dhu abho nyú rùdú. Ní Ádrùngbàle Yèsù rí ndi àbadhi ùbhò rùdú kónzì dhu-bvu rò. ¹⁵Nyi nyàkà nyòdò nyi kà ròrò átò, kàgò àlè kúdhe dhu óbi nyú nà nídhuní.

¹⁶Wemberè tí ma mǎrà anya ùnò nínganí, atdí ale mà nídè nzá dzidu dš. Pbétù, kóró ale úbhà ma. Ní, Kàgàwà àkǎ nzá ndòzù ndi dhu afátá tí abádhí dš. ¹⁷Pbétù, Ádrùngbàle Yèsù ónzi ndi dzùnàdu ndìbhò óbi idù, ndíí ma múnò tí pbìndà Ídzi Mákùrù marà ùtsànà, kóró ìnzì ní Pbàyàhúdì mà ràdù ìrìnà. Ndirò, kípfò ima àrì-lí'ò rò. ¹⁸Ádrùngbàle Yèsù rí mipfò kóró nzére dhu ò rò, ndàdù migù ndàbhù ma motsù pbìndà Ádrùngbànga tó idzi ò òrù-akpà ò. Kákà ilèta nà dhòdhódhóngà nà! Àmìnà.



Ìzà-ndì ní ka kòbhòlò kadù òkpòròná bhùkù (4.13)

Bhàruwà ríku dòná rò ovita

¹⁹Òvì nyòvì Pèrèsílà mà Àkilà nà, ndirò Ònèsfòrò bhà idzá-bhà mànà. ²⁰Rǎstò òdì wà Kòritò tó kigò ò. Ndirò, ma mùbhà Tròfímò Miletò tó kigò ò, andi nà kà ríí dhu-okú dò rò. ²¹Nyi nyàkà nyònzì óbi, nyirà àhu àzú angyinǎ rò ádrùngbǎ girì tó kàsùmì tò.

Èyùbulò mà, Pudè mà, Linò mà, Klòdiyà mà, Yèsù ná'ù àlè t'ádóna mànà kóró, nóvì nyi atdídš.

²²Ádrùngbàle àkǎ ndíí nyi nà! Kákà ndìtè pbìndà ídzìngà fùkù!